

## DE CALCVLIS

Florentini conductus mercede medicus fuerat, vir magna doctrina & plurimo reru vsu. nam & à philosophia, arte Medica atq; Astrologorum scientia præclarè instructus, & Latinè atq; Græcè insigniter doctus erat: is igitur curã se egisse ægri cuiusdam affirmabat, qui diuturno atq; intolerabili capitis dolore adeò fuisset excruciatu, vt dies noctesq; nullam prorsus quietis caperet partem. Interrogatus aut ipse, aut qui ei tum ministrabãt, quid sibi præcipuè doleret? Capitis continuo cruciatu se confici aiebat, quem sibi Mori esu contraxisset. Nulli operæ tum parcens Medicus, omnes adhibuit machinas, nihil intentatum reliquit, imò vero & suis ipse sumptibus medicinam pauperi ægroto comparauit, vt quoquo modo posset, languenti opem auxiliumq; ferret, sibiq; amplissimam inde mercedem quæreret, gloriam. Sed in tam dubio atque desperato casu, omnè operam ludos fecit.